

Na osnovu člana 118. Zakona o radu („Službene novine Federacije BiH“, br. 26/16 i 89/18), člana 14., a u vezi sa članom 16. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine broj: 01-1344-6/2012 od 27.07.2012. godine, i člana 181. Pravilnika o radu Kantonalnog stambenog fonda Sarajevo, broj: 02-03-523/22 od 28.03.2022. godine, broj: 02-03-916/23 od 20.06.2023. godine i broj: 02-03-1159/23 od 30.08.2023. godine, v.d. direktor Kantonalnog stambenog fonda Sarajevo **d o n o s i**:

PRAVILNIK
O
IZMJENAMA PRAVILNIKA O RADU
KANTONALNOG STAMBENOG FONDA SARAJEVO

Član 1.

U Pravilniku o radu Kantonalnog stambenog fonda Sarajevo, broj: 02-03-523/22 od 28.03.2022. godine, broj: 02-03-916/23 od 20.06.2023. godine i broj: 02-03-1159/23 od 30.08.2023. godine (U daljnjem tekstu: Pravilnik), član 61., stav (3) mijenja se i glasi:
“(3) Drugi dio godišnjeg odmora radnik može koristiti u dva dijela, s tim da prvi dio ne može biti kraći od pet (5) radnih dana, izuzev u opravdanim slučajevima kada se radniku uz odobrenje Direktora može odobriti i manji broj radnih dana, o čemu će se donijeti posebna rješenja”.

Član 2.

U članu član 93., alineja druga, mijenja se i glasi:

- “85% od prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku.”

Član 3.

U članu 94., stav (1) mijenja se i glasi:

“(1) Visina osnovne plaće radnika utvrđuje se množenjem koeficijenta radnog mjesta sa 85% od prosječne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za statistiku, na što se dodaje naknada za minuli rad prema odredbama člana 101. Pravilnika.”

Član 4.

Ovaj pravilnik stupa na snagu narednog dana od dana dobijanja saglasnosti v.d. Upravnog odbora Kantonalnog stambenog fonda Sarajevo i objavit će se na Web stranici Fonda i u “Službenim novinama Kantona Sarajevo”, a primjenjuje se od 01.02.2024. godine.

Broj: 02-03-149/24
Sarajevo, 31.01.2024. godine

v.d. DIREKTOR

Muhamer Salkić, MA ekonomije/menadžmenta